

水
经
注
释

水

經

注

解

水經注箋刊誤卷九

水經注箋刊誤卷九

陰溝水

陰溝首受於大河卷縣故瀆

卷二十三第一葉

於字當移在大河之下

俱東絕濟隊

卷二十三第一葉

隊當作隧然古亦通用

右溝東西逕陽池城北

卷二十三第一葉

右溝當作右瀆東西當作東南陽池當作陽武

東南絕長城

卷二十三第一葉

東南上落又字

故云出武陽

卷二十三第一葉

武陽當倒互作陽武

左屈溝與梁合

卷二十三第一葉

溝字當移在梁字下浚儀渠水注云王賁斷故渠引水

東南出謂之梁溝是也

故經云陰溝出蒗蕩者也

卷二十三第二葉

箋曰者一作渠按蒗蕩下落渠字非者字當作渠

碑字傾低

卷二十三第二葉

字當作字隸釋校改

大殊也地 卷二十三第二葉

全氏云也地當作楚地

澠水又東逕武平縣故城

卷二十三第三葉

故城下落北字

有漢尙書虞詡碑

卷二十三第三葉

尙書下落令字隸釋校後漢書本傳云永和初遷尙書

令

康仲後 卷二十三第三葉

箋曰康一作虞按後漢書本傳注引此文云虞仲之後

子孫不必不爲九卿

卷二十三第三葉

箋曰宋本作亦不失爲九卿按後漢書本傳作子孫何

必不爲九卿隸釋引此文云子孫未必不爲九卿今校

正作未

故鄉矣卷二十三第三葉

鄉上落廣字

入谷謂死澑也卷二十三第三葉

謂當作爲

過水又南東屈逕苦縣故城南卷二十三第三葉

南東二字當倒互

過水又東而北屈至穎鄉卷二十三第三葉

錢曰穎當作賴按而字衍文賴鄉下落西字

叔彭生會晉郤缺於承匡

卷二十三第四葉

有謂叔下脫仲字者非陸氏釋文云仲衍字石經亦無

冠帶之徒

卷二十三第四葉

箋曰徒舊本作徙按徒衆也字不誤

自隱隸之

卷二十三第四葉

自土落十二年三字黃省曾本校補隱當作偽漢書陳

畱郡有偽縣

有漢陽種令許叔臺碑

卷二十三第四葉

漢書地理志廣平國有陽臺縣許叔臺當作許叔種字

倒互耳

建寧六年 卷二十三第四葉

箋曰一作元年按建寧止於五年元年爲是

漢桓帝尼宮

卷二十三第四葉

箋曰宋本作桓帝遣宦臣按孫潛校改作宦官

又有李老母廟

卷二十三第五葉

箋曰克家曰舊本作李母前廟疑當作李老君母廟按

老字衍文

然卽此城也

卷二十三第五葉

然當作疑

皆雕樓雲炬

卷二十三第五葉

箋曰當作雲烟按炬火炬也字不誤

碑陰又刊石策 卷二十三第六葉

石策何焯校改詔策

有兄騰冢 卷二十三第六葉

箋曰舊本作騰兄冢按司馬彪續漢書曹節四子長伯
興次仲興次叔興騰字季興所謂騰兄則伯仲與叔也
騰更無弟吳本作兄騰似誤又騰少除黃門從官自小
黃門遷至中常侍大長秋在省闈三十餘年亦未嘗爲
潁川太守也按隸釋載此文正作有騰兄冢伯仲叔季
騰最知名餘則有字而無名三國志魏書曹仁傳云仁

太祖從弟裴松之註引魏書曰仁祖襄潁川太守斯其人也朱氏乃以騰未嘗爲潁川太守嘵嘵不置眞癡人說夢也

歷太中大夫司馬長史引侍中 卷二十三第六葉

引字衍文隸釋校

習讀書傳 卷二十三第六葉

習讀上落春夏二字三國志註校補

都督楊州 卷二十三第七葉

楊州當作揚州

冢南冢南枕道有碑 卷二十三第七葉

冢南二字重文宜衍

右北平無終年化 卷二十三第七葉

箋曰年化當作牟化卽造碑故吏姓名也按隸釋引此文作年化年亦姓也

過水又東南逕城父縣故城 卷二十三第七葉

故城下落北字

東北流逕城父故城西 卷二十三第七葉

城父下落縣字

臨側過水 卷二十三第七葉

箋曰當作側臨按臨側字屢見

後罷州立郡 卷二十三第七葉

箋曰舊本作罷州立碑吳本改爲立郡按魏書地形志
譙州景明中置渦陽郡孝昌中陷領南譙郡渦陽縣屬
焉此卽所謂罷州立郡者也

義北門生

卷二十三第八葉

趙琦美云下有義城北字是城字之誤隸辨引此文作
義士按義士猶今云信士宋避太宗諱改義爲信至今
因之

遷九江彭城陳畱四部

卷二十三第八葉

部當作郡

汲水

丹泌亂流 卷二十三第九葉

泌當作沁

荀晞 卷二十三第九葉

晉書列傳是荀晞朱箋旣引晉書尙仍荀字之誤何也是則料稟亭也 卷二十三第十葉

料當作科

故曰成安也 卷二十三第十葉

箋曰謝云曰字疑衍按曰字乃陳畱風俗傳文不宜衍

漢章帝東巡 卷二十三第十一葉

漢字衍文

陳蓄縣 卷二十三第十一葉

郡國志考城縣屬陳留郡落留字又按春秋左傳正義曰地理志云梁國甾縣故戴國應劭曰章帝改曰考城古者甾戴聲近故鄭元詩箋讀倣載如熾甾是其音大同故漢于戴國立甾縣可以補酈注之遺

應亨吉元符

卷二十三第十一葉

元全氏校改之

賜越有先列考武王

卷二十三第十一葉

箋曰先一作光按當作烈考武皇謂武帝也

汲水東逕周塢側 卷二十三第十一葉

汲水下落又字

漢熹平君所立 卷二十三第十二葉

箋曰按熹平是漢靈帝年號此云熹平君知有脫誤也
宋本亦然其墜失久矣按全氏云錢遵王本熹平下有
中某二字從之

弟刻石樹碑

卷二十三第十二葉

弟上落其字全氏校增

隧前有師子天鹿博作百樹柱八所

卷二十三第十二葉

箋曰博宋本作溥按隸釋載此文作累溥作百達柱黃

省曾本同惟誤以博爲塙

餘波南入淮陽城中

卷二十三第十二葉

淮陽當作睢陽漢西京梁國治睢陽續志睢陽亦居梁國領縣之第一注云唯睢陽城南側有小水南流入于睢是也

汲水又東逕貫城南

卷二十三第十二葉

貫城當作貲城

汲水又東逕違縣故城北

卷二十三第十三葉

違縣當作蒙縣

博聞道家

卷二十三第十四葉

聞當作問隸釋校

時令太山萬喜

卷二十三第十五葉

箋曰喜當作熙按當加忄作熹

國相東萊王璋字伯義

卷二十三第十五葉

後漢書黨錮傳王璋字伯儀東萊曲成人少府卿

旣有經見

卷二十三第十五葉

有黃省曾本作在

獲水

宋大夫

卷二十三第十五葉

夫竹書紀年作水黃省曾本元是水字